

Inatsisartut ilassutitut aningaasaliissutitut inatsisissaannut siunnersuut 2024.

(Aningaasaqarnermut Akileraartarnernullu Naalakkersuisoq)

Siullermeerneqarnera

Naleqqamiit imatut oqaaseqassaagut Naalakkersuisut 2024 Inatsisartut ilassutitut aningaasaliissutitut inatsisissaannut siunnersuutaanut.

Ilassutitut aningaasaliisimasarnerit ersarissumik takutippaa marlunnik oqaqarluni aqutsisimaneq.

Naalakkersuisut nammineq erseqqissarpaat aningaasaliissutit annerit taamaallaat pisinnaasut, inuiaqatigiit aningaasaqarneranni tamarmiusumik pitsaasumik pissarsissutigineqartussatut

Nalilerneqarpata. Taamaakkaluartoq Naalakkersuisut nunatta karsiata naqqa tikillugu, 400mio kr nuussimavaat NunaGreen A/S-imut.

Aana taamatut aaliangersimanermut ajornatorsiut:

- Nalunaarutit inuiaqatigiit aningaasaqarneranni tamarmiusumik pitsaasumik pissarsissutigineqarnissaat takutinngilaat. Naak kusassarlugu Inuiaqatigiinnut iluaqutissaaneraarneqaannavissoq.
- Kingunerivaa IST-mut sinneqartoornissaraluaq 125mio kr amingartoorneq. Aningaasartuut annertooq ataatsip nunatta karsia imaarlugu, inatsisit malillugit taamaallaat pisinnaagaluartoq inuiaqatigiinnut pitsaasumik kingeqartitsisuuppat.

Tamanna akisussaassusilimmik aqutsinerunngilaq. Inatsisinik avaqqutaarneruvoq.

Assiliarlu pitsaanerulinngilaq.

- Naalakkersuisut nammineq oqariartuutigivaat, ataavarpumik amingartoorneq alliartuinnavissoq. Taamaattorli sattaaserlutik iluareqqusaarutit ataasiakkaat aningaasalersorlugit ingerlarsornertik allanngorniarnagu. Tupinnanngilaq inuuniarneq artornarsigaluttuinnarmat innuttaasunut.
- Ilassutitut aningaasaliissutitut inatsisissaq sunut tamanut atorneqalerpoq. Ombudsmand 430.000kr-imiit Nunagreen 400mio kr.-mut. Iluareqqusaarutitik akuutitsilluni politikkikkut naameeruminaassaarisarluni.
- Oqaasertaliuussat atorneqarlutik putusiuinissamut. Kollegialiorneq inuiaqatigiinnut akilersinnaasuusaartillugu, aali aatsaat ukiut 2074 imminut akersimasussaq. Aserfallareersussaq taamanikkussamut, akissaqartinnagu iluatsinniarlugu aqqutissiuilluni.



- Aqqissuusseqqinnissat takkukkumaartut utoqqatsissutigalugit, maannakkut aningaasanik atuerujussuarneq. Takkutissanatillu aaqqissuusseqqinnerit.

Aningaasarnermik aqutsisinnaanermik pisariaqartitsivugut, unneqqarissumillu sulineq amingaataavoq. Ilassutitut aningaasaliissutit tassaasussaagaluarpog Aningaasanut Inatsimmi kukkussutaasimasut aaqqinneri. Milliartilikkaanik nalilinnik eqqussiniarnernut atorineqarnera tulluanngilaq.

Naleqqamiilli nalunngilarput qinersinerup kinguneranik maanna Naalakkersuisut taarsernikut. Taamaammat kaammattuutigissavarput ilassutitut aningaasaliissutitut siunnersuut tullia, ima tukatsiginani pissasoq aappaagu.

Aningaasanut Inatsisissaq torernerusumik suliaqarnissaa neriuutigaarput.